



UNIVERSITÄTS-  
BIBLIOTHEK  
PADERBORN

**COLLATIO-||NVM SACRARVM|| LIBRI VIII.|| Tilmanni  
Bredenbachij S. Th. D.||**

**Bredenbach, Tilmann**

**Coloniae Agrippinae, 1592**

**VD16 B 7378**

21. Ex violata D. Virginis genitricis imagine lac & sanguis profluxit,  
Iconomachus fluxum sisterenon valens, seipsum submergit.

---

[urn:nbn:de:hbz:466:1-65002](https://nbn-resolving.org/urn:nbn:de:hbz:466:1-65002)

nobilis vir D. Philippus N. Decanus Ecclesiæ Cathedralis, templum idem cui præerat, ingreditur, visurus quid rerum in eo molirentur. Cumque altaria omnia illæsa videret, statuas quoque illæsas & inuiolatas vnum in locum congestas, tandem videt quendam D. virginis matris statuam pallio ceruleo coopertam, ac iuxta chorum ad parietem erectam, inuadere, & confringere conatam. Quem cum increpasset, illeq; alio se protiperet, mox furis Parthenomachus ille & æstro corripitur, interrogatusque quid sibi accidisset, hoc solum respondit: Mulier ceruleo pallio vestita, me insecuta, manu me pupugit, ac tandem durante insana mentis impotentia & furore exinctus est. Hæc nobis retulit primarius quidam Principis Electoris Consiliarius, multis honoratis viris præsentibus.

*Ex violata D. virginis genitricis imagine lac & sanguis profuxit. Iconomachus fluxum sistere non valens, seipsum submergit.*

## CAP. XXI.

**I**N Monasterio Montis S. Ruperti, vbi requiescit corpus S. Hildegardis, propè ciuitatem Bingam infra Moguntiam, contigit anno Domini 1302. quendam militem, animo sacrilego in templum irrepere. Cumq; apud altare quoddam imaginem virginis Deiparæ depictam videret, quæ in pectore quinque gemmis crystallinis decorata erat, prorepfit

Q ad

ad imaginem, & gemmas quattuor scalpendo luxavit & extraxit. Cum verò ad quintam simili modo luxandam progrediretur, ecce intemerata virginis castissimum pectore contrectationem, excanduit, stupendoque prodigio mox ex quinta gemma arcuata, quæ sacratissimis vberibus inerat, lac & sanguis profluxerunt. Sacrilegus miles viso prodigio expalluit, arreptoque pulvere, fluxum sistere conatus est, nec potuit, quin lacteus ille sanguineusque liquor magis magisque profluere, moxque præ mentis inopia in profluentem Nahum procurrit, ac seipsum miser submergit, in virginem Deiparam impius, in seipsum crudelissimus. Lacteus ille sanguineusque liquor à sanctimonialibus istius loci collectus vitroque exceptus, in sacrarium diligenter positus est, ubi etiamnum asseruatur, & à multis religiose visitur.

*De Iconomacho quodam, D. virginis imaginem deturbante, & à Deiparæ virginis puero seipsum puniso.*

## CAP. XXII.

**C**IRCA annum Dominicæ incarnationis 1577. cum passim in toto penè Belgio Iconomachi in templa & imagines irruere cepissent, contigit in celebri quodam pago Lokeren appellato, quatuor miliaribus à Gandavo distito, quendam D. virginis Deiparæ statuam